



Jumat, 16 Oktober 2020
Ogen: Matius 10:16



“CERDIK RAS LEMAH LEMBUT”



Lit sada pengajaren Jesus si semal ibelasken i bas erbage kesempatan, emekap pengajaren kerna orat nggeluh i tengah-tengah doni enda si la nandai Kristus i bas geluhna, si tersurat i bas Matius 10:16 "Begikenlah! Kam ku suruh bagi biri-biri ku tengah-tengah serigala. Emaka kam arus cerdik bagi nipe janah lemah lembut bagi nderapati." Nipe mekap binatang si cerdik. I bas kitab Kejadian manusia ndabuh ku bas dosa erkiteken tipu daya ras kecerdikenna. Nderapati emekap rubia-rubia si tulus janah la pernah ingkar jani. Nderapati e lambang cinta si tulus. Kata si ipeseh Dibata man ajar-ajarNa enda ibas pengutusen ajar-ajar i bas doni enda si igambarkan lawes ku tengah-tengah serigala.

Gambaren si isehken Jesus man ajar-ajarna nai nuriken situasi krisis si terjadi i tengah kegeluhenta i bas jaman endape. Enda mpersingeti kita ras mereken kesadaran man banta kerna jati dirita selaku anak-anak Dibata. I bas paksa enda kecibalta selaku anak Dibata semakin "dipertanyakan" i ja enggo reh merosotna nilai-nilai kemanusiaan i tengah kegeluhen. Perkembangan jaman enda rusur si jadikan "kambing hitam" sabap kita la mampu mempertahankan identitasta. "Homo Homini Lupus" (manusia menjadi serigala bagi yang lainnya) jadi hal biasa megati pe jadi tontonen man banta selaku kalak Kristen. Sada ras sidebanna lanai mediate, megati enggo ngerampas hak jelma sideban seolah "wajar" i tengah perkembangan global enda. Tapi perlu kal si inget ras si sadari "kerina e la wajar i lebe Dibata".

Ula kal menukah si ipengaruhi lingkungan sekitarta si megati ngubahken kita jadi serigala. Tetap jaga jati dirita, selaku anak-anak Dibata si isuruh ku tengah doni enda, ula kal sempat kita seri ras doni enda. Maka marilah nggeluh selaku saksi Kristus ibas perlengkapen si enggo itetapkan Dibata man kita si enggo iutusNa emkap alu Kecerdikan ras Lemah lembut.